

ՀՀ Գեղարքունիքի մարզպետ Կարեն Սարգսյանի շնորհավորական ուղերձը՝
Ուսուցչի օրվա առթիվ

Սիրելի՛ մանկավարժներ, կրթության ոլորտի նվիրյալ աշխատակիցներ,
Սրտանց շնորհավորում եմ ձեզ Ուսուցիչների օրվա առթիվ: Ձեր աշխատանքը ոչ
միայն մասնագիտություն է, այլև մի ամբողջ հոգևոր առաքելություն, որի միջոցով
ձևավորվում են մեր պետության ապագա քաղաքացիները: Դուք եք սերմանում
գիտելիքի սերն ու պատասխանատվության զգացումը, մարդկային արժեքներն ու
հայրենասիրությունը՝ ամրացնելով մեր հասարակության հիմքերը:

Մեր մարզի զարգացման ու առաջընթացի հիմնասյուներից մեկը կրթությունն է, իսկ
դուք՝ դրա ամենամեծ հենարանը: Ձեր նվիրումն ու հետևողական աշխատանքը
արժանի են ամենաբարձր գնահատանքի և հասարակության անկեղծ հարգանքի:
Թող ձեր աշխատանքը միշտ ուղեկցվի սաների սիրով, գործընկերների
գնահատանքով և պետության աջակցությամբ: Մաղթում եմ ձեզ առողջություն,
անսպառ եռանդ, ստեղծագործ մտքեր և նոր ձեռքբերումներ մեր կրթական
համակարգի բարելավման գործում:

Հարգանքով և երախտագիտությամբ՝ ՀՀ Գեղարքունիքի մարզպետ Կարեն
Սարգսյան